

Na osnovu člana 41. Statuta općine Prozor – Rama – prečišćeni tekst („Službeni glasnik općine Prozor – Rama“, br. 3/01), u skladu sa Programom mjera podrške privredi Općine Prozor – Rama za ublažavanje posljedica bolesti Covid-19, broj: 01- 04- 1032/20 od 19.5.2020.godine, Načelnik općine Prozor – Rama, objavljuje:

J A V N I P O Z I V

za odabir korisnika podrške privredi općine Prozor-Rama za ublažavanje posljedica bolesti Covid-19

Predmet Javnog poziva je prikupljanje prijava za odabir korisnika podrške privredi općine Prozor-Rama za ublažavanje posljedica bolesti Covid-19.

Korisnici podrške su privredni subjekti koji su registrovani za obavljanje djelatnosti sa sjedištem u općini Prozor-Rama, kojima je od proglašenja stanja nesreće uzrokovane pojavom pandemije koronavirusa bio zabranjen ili otežan rad.

Podrške se utvrđuju i dodjeljuju u dva oblika: finansijske i organizacione podrške.

Finansijske podrške:

- ukupan iznos od 800,00 KM po zaposlenom radniku za cijelo vrijeme trajanja stanja zabranjenog ili otežanog rada, uz korekciju po posebnim elementima utvrđenim Pravilnikom, uz obavezu poslodavca da određeni iznos isplati zaposleniku kojega je zadržao na poslu;
- oslobađanje od plaćanja općinske komunalne naknade za vrijeme zabrane rada za djelatnosti kojima je bio zabranjen ili otežan rad (za period zabrane ili otežanosti);
- oslobađanje od plaćanja zakupnine za korištenje općinske javne površine za djelatnosti kojima je bio zabranjen ili otežan rad (za period zabrane ili otežanosti);

Organizacijske podrške:

- odgađanje plaćanja obaveza prema Općini po drugim osnovama (beskamatno) do kraja 2020. godine;
- odgađanje stečajnih postupaka koje je pokrenula Općina, za privredne subjekte iz djelatnosti kojima je zabranjen ili otežan rad, do kraja 2020. godine;

Za odabir korisnika podrške privredi općine Prozor-Rama za ublažavanje posljedica bolesti Covid-19, primjenjivat će se slijedeći kriteriji:

- a) podnosilac je registrovan sa sjedištem na području općine Prozor-Rama,
- b) djelatnost podnosioca navedena je u članu 3. Pravilnika o mjerama podrške,
- c) podnosilac je izmirio direktne i indirektne porezne obaveze na dan 31.12.2019. godine,
- d) podnosilac je izmirio obaveze prema Općini Prozor-Rama zaključno sa 29.2.2020. godine,

- e) podnosilac je zadržao zaposlenike sa prebivalištem ili boravištem u općini Prozor-Rama od 16.3.2020. godine do daljnjeg, najkraće do 31.03.2020.god., uz korekciju u odgovarajućem postotku za dio perioda u odnosu na ukupno trajanje utvrđeno u dužini od 60 dana.
- f) Ukoliko sjedište privrednog društva nije na području općine Prozor-Rama, promet poslovne jedinice u ukupnom prometu privrednog društva treba biti najmanje 10%.

Korektivni faktori:

1. Poslovni subjekti u Općini Prozor-Rama, ostvaruju pravo na podršku u maksimalnom iznosu od 800,00 KM po zaposleniku, uz ispunjenje kriterija iz ovog Javnog poziva,
2. Poslovni subjekti koji su aktuelni korisnici podrške za nabavku sredstava za rad, bilo kojeg nivoa vlasti: unaprijed utvrđeni iznos umanjuje se za 25% po zaposleniku na kojeg se odnose primljene podrške,
3. Poslovni subjekti koji su aktuelni korisnici podrške za isplatu neto plata, bilo kojeg nivoa vlasti: unaprijed utvrđeni iznos umanjuje se za ostvareni iznos podrške po zaposleniku na kojeg se odnose primljene podrške.

Potrebni dokumenti

Prijavu uraditi sadržajno po elementima zahtjevanim u potrebnoj dokumentaciji.

Lista priloga koja se zahtijeva od podnosioca prijave nalazi se u tabeli kako slijedi:

- a. *Popunjena Prijava na Javni poziv, (original)*
- b. *Izvod iz sudskog registra ili Rješenje o registraciji od nadležnog općinskog tijela (ovjerena kopija)*
- c. *Uvjerenje o izmirenim direktnim poreznim obavezama sa 31.12.2019. godine ili sporazum o izmirivanju, od porezne uprave (original)*
- d. *Izjava o nekorištenju sredstava drugih nivoa vlasti ili fondova za sufinansiranje plata zaposlenika i/ili sufinansiranje sredstava za rad (oprema, mašine i sl.)(original)*
- e. *Uvjerenje o prebivalištu odgovorne osobe/vlasnika (original)*
- f. *Potvrda o listi zaposlenika (uključujući objavljenе) za period od 29.2.2020. godine do datuma prijave na Javni poziv (obrazac porezne uprave)(original)*
- g. *Ostali dokumenti kojima podnosilac obrazlaže zahtjev (mjerodavni dokazi o otežanom radu) ukoliko je potrebno*

Nepotpune i nepravovremene prijave neće se uzeti u razmatranje.

Dokumentacija treba biti dostavljena u originalu ili ovjerenoj kopiji, kako je navedeno.

Komisija će za svaki zahtjev procijeniti potpunost zahtjeva i ispravnost dokumentacije, ocijeniti, te predložiti prihvaćanje zahtjeva u cijelosti, prihvaćanje zahtjeva u dijelu, ili odbacivanje zahtjev za podršku u cijelosti.

S korisnikom podrške će se nakon odobravanja mjera podrške potpisati Ugovor o međusobnim pravima i obvezama, mjerama i instrumentima za osiguranje preuzetih obaveza.

Potrebna dokumentacija za učestvovanje na javnom pozivu može se preuzeti u prostorijama općine Prozor - Rama, ulica Kralja Tomislava b.b. radnim danom u vremenu od 08-16 sati ili elektronskim putem na web stranici općine (www.prozor-rama.org).

Prijave sa odgovarajućim priložima šalju se preporučeno poštom ili lično u zatvorenim kovertama na adresu: Općina Prozor – Rama, K. Tomislava b.b.

Komisija za provođenje Javnog poziva će zaprimljene prijave razmatrati i donositi odgovarajuće odluke i prijedloge.

Rok za dostavu prijava: javni poziv je otvoren 60 dana (šezdesetdana) od dana objave.

Sve dodatne informacije vezane za ovaj Javni poziv mogu se dobiti svakim radnim danom na brojeve telefona: 036/771 912, 036 771 919, u vremenu od 10 -14 sati.

Broj: 01/1- 11 – 1227-1/20

Prozor, 28.05.2020.god.

Načelnik

dr. Jozo Ivančević